

漢魏六朝百三家集

宋

傅光祿

第四十九冊

傅光祿集

何衡陽集題詞

謝晦起兵拒宋文東海何承天爲書

何衡陽集

輒戒使者善候顏色恐逢彼怒斯人

竟得老壽亦幸耳禮論三百卷久亡

傅光祿集題辭

晉宋禪受成於傅季友表策文誥誦

言滿堂潘元茂冊魏公不如其多也

武帝不豫升牀受詔營陽廬陵忽焉

翦沒奉迎文帝入繼大統徐謝群公

慶同絳侯季友憂色里克是懼善讀

書者尚少知禍福耶演慎著論竊慕  
括囊感物作賦起於夜蛾道路詠詩  
撫躬三省彼方欲爲長風之鳥而不  
免見笑于雕陵之鵲人也非天也王  
師出征宣明抗表言及虛館三月恪  
遵下武臣雖不順辭則可悲季友博

經史長文筆倉皇廣莫門上竟不得  
慷慨一言畢命殿陛九錫諸篇固傳  
氏之丹書帶礪也無能救死何哉廟  
墓二教並錄文選懷舊崇德意近甘  
棠入洛陽謁五陵宋公百世一日也  
表文無痛哭之談識者先知其非心

王室矣

婁東張溥題

宋傅光祿集目錄

賦

喜雨賦

登陵囂館賦

登龍岡賦

芙蓉賦

征思賦

感物賦

有序

宋國封建禪代詔策文



晉安帝進劉裕侍中車騎將軍詔

封豫章郡公加號詔

封宋公詔

進宋公爲宋王詔

晉恭帝禪宋詔

宋公九錫策文

禪策  
璽書

教

爲宋修張良廟教

爲宋公修楚元王墓教

修復前漢諸陵教

表

爲宋公至洛陽謁五陵表

爲宋公求加贈劉前軍表

爲劉毅軍敗自解表

讓尚書僕射表

奏

尚書八座封諸皇弟皇子奏

碑銘

司徒劉穆之碑

侍中王公碑

故安成太守傅府君銘

論

演慎論

書

與沈林子書

與謝晦書

與蔡廓書

讚

文殊師利菩薩讚

彌勒菩薩讚

詩

從武帝平閩中

從征

奉迎大駕道路賦詩

冬至

附錄

本傳

信

陳傳書函類

文參酌陳書函類

黨

陳傳書函類

宋傅光祿集卷全

宋 傅亮季友 著

明 張溥西銘 閱

賦

喜雨賦

唯二儀之順動、數有積而時偏、墊襄陵於唐籍、感雲漢於周篇、匪叔葉之或邁、在盛王其固然、伊元嘉之初載、肇休明於此年、懿玉燭之方熙、愠積陽之獨愆、涸源泉於井谷、委嘉穎於中田、

嗟我皇之翼翼、悵臨朝而輟娛、踵冲謙於禹湯、  
協至誠於在余、且東作之未晏、庶雨露之夙濡、  
遵懸子之徙屨、尤魯侯之赫巫、祇桑林之六禱、  
修季宰之再雩、誠在幽其必貫、感何遠而不孚、  
聆晨鶴於高垵、候宵畢於天隅、發曾雲於觸石、  
晦重陽於八區、春霆殷以遠響、典雲霈而載塗、  
灑豐浸於中疇、覃餘潤於嘉蔬、殷嗇人於菑畝、  
衍將繁於中衢、嗣良頌於多稔、兆嘉夢於樵漁、  
矧具臣之逢運、又均休而等虞、陶曲成於暮稔、

念歸駕於董疎

登陵囂館賦

歲九旻之暮月、肅晨駕而北逝、度迴壑以停轅、  
凌孤館而遠憇、何物慘而節哀、又雲悠而風厲、  
悴綠、繁於寒渚、隕豐、灌於荒澁、玩中原之芬菊、  
惜蘭圃之彫蕙、旌竹柏之勁心、謝梧楸之零脆、  
爾乃流盼平隰、落日還臯、千感具盈、在物同騷、  
聆離鷗之悽響、聽鳴林之瀏飈、彼遊子之苦傷、  
每寤歎於我勞、矧集悲而鍾苦、疚寸心其如忉、



眇天末以遙瞪、怨故鄉之阻遠、

登龍岡賦

靜潛處以永念、聊駕言以寫憂、蒙旭露而夙軫、  
稅余轡於龍上、南臨平隰、鹵際荒疇、比寓連薨、  
幽榛四周、眺江滌之廣滋、窈川陸之廻修、羨翔、  
羽之嬉林、樂綠蘋之在流、粲清漪以汎濫、翳稠、  
枚而命仇、信遂生之有所、何怵迫於人尤、

芙蓉賦

考庶卉之珍麗、寔惣美於芙蓉、潛幽泉以育藕、

披翠蓮而挺敷，汎輕荷以冒沼。列紅葩而曜除，  
微旭露以滋采。靡朝風而肆芳，表麗觀於中沚。  
播郁烈於蘭堂，在龍見而萌秀。於火中而結房，  
豈呈芬於芷蕙。將越味於沙棠，詠三閭之被服。  
美蘭佩而荷裳，伊立匠之有瞻。悅嘉卉於中渠，  
旣暉映於丹墀。亦納芳於綺疏。

征思賦

逢休明之餘祐，託菲薄於末暉。旣致戎於皇幄，  
亦彼已於宰闈。傷鶉梁以載揚，詠伐檀而屢思。

蘇風翕以首節，零雨鬱而四垂，津雲曖以合體，  
墳衍杳其無封，羨歸飛之能矯，樂湍流之自東，  
想和鑾之北徂，企雲旂之鹵舉，灑三川之積塵，  
廓二嶠之重阻，覲高掌於華陽，聆鳴鳳於洛浦，

感物賦 有序

余以暮秋之月，述職內禁，夜清務隙，遊目藝苑，  
於時風霜初戒，蟄類尚繁，飛蛾翔羽，翩翾滿室，  
赴軒幌，集明燭者，必以焦滅爲度，雖則微物，矜  
裏者久之，退感莊生異鵲之事，與彼同迷而忘

反鑒之道。此先師所以鄙智及齊客。所以難目論也。悵然有裏感物興思。遂賦之云爾。

在鹵成之暮。啓肅皇命於禁中。聆蜻蚋於前廡。鑒朗月於房櫳。風蕭瑟以陵幌。霜皚皚而被墉。憐鳴蜩之應節。惜落景之裏東。嗟勞人之萃感。何夕永而慮充。眇今古以遐念。若循環之無終。詠倚相之遺矩。希董生之方融。鑽光燈而散表。溫聖喆之遺蹤。墳素杳以難暨。九流紛其異封。領三百於無邪。貫五千於有宗。考舊聞於前史。

訪心跡於汗隆，豈夷阻之在運，將全喪之繇躬，  
遊翰林之彪炳，嘉美手於良工，辭存麗而去穢，  
旨旣雅而能通，雖源流之深浩，且揚摧而發蒙，  
習習飛蚋，飄飄織蠅，緣幌求隙，望爛思陵，糜蘭  
膏而無悔，赴朗燭而未懲，瞻前執之旣覆，忘改  
轍於後乘，匪微物之足悼，悵永念而拊膺，彼人  
循之爲貴，參二儀而比靈，稟清曠以授氣，修緣  
督而爲經，照安危於心術，鏡纖兆於未形，有狗  
未而捨本，或耽欲而忘生，碎隋侯於微爵，捐所

重而耍、輕矧、昆蟲之所昧、在智士、其猶嬰悟、雕  
陵於莊氏、幾鑿濁而逃、清仰前修之懿軌、知吾  
跡之未并、雖宋元之外占、曷在子之克明、豈知  
反之徒爾、喟投翰以增情、

Blank columns for text.

Faint bleed-through text from the reverse side of the page.

宋國封禪代詔策文

附

為晉安帝進劉裕侍中車騎將軍詔

安帝義熙

元年正月江陵平天子反正二月詔加

鎮軍將軍劉裕為侍中車騎將軍都督

中外諸軍事固讓不受傅亮傳云高

祖登庸之始文筆皆是記室參軍滕演

北征廣固悉委長史王誕自此後

至於受命表策文誥皆亮辭也

古稱大者天地。其次君臣。所以列貫三辰。神人

代序。諒理本於造昧。而運周於萬葉。故盈否時

襲。四靈通其變。王道或昧。貞賢拯其危。天命所

以永固。人心所以攸穆。雖夏周中傾。賴靡申之



績恭倫載竊寔二代是維。或乘資籍號。或業隆  
異世。猶詩書以之休詠。記策用爲美談。未有因  
心撫民。而誠發理應。援神器於已淪。若在今之  
盛者也。朕以寡昧。遭家不造。越自遘閔。屬當屯  
極。逆臣桓立。乘釁縱慝。窮凶恣虐。滔天猾夏。遂  
誣罔人神。肆其篡亂。祖宗之基。旣湮。七廟之饗  
胥殄。若墮淵谷。未足斯譬。皇度有晉。天縱英哲。  
使持節都督揚徐兗豫青冀幽并江九州諸軍  
事鎮軍將軍徐青二州刺史忠誠天亮神武命

世用能貞明協契義夫響臻故順聲一唱二溟  
卷波英風振路宸居清翳暨寇軍將軍毅輔國  
將軍無忌振武將軍道規舟旗遄邁而元凶傳  
首回戈疊揮則荆漢霧廓俾宣元之祚永固於  
嵩岱傾基重造再集於朕躬宗廟歆七百之祐  
皇基融載新之命功惟德永言銘懷固已道寇  
開闢獨絕終古書契以來未之前聞矣雖則功  
高靡尚理至難文而崇庸命德哲王攸先者將  
以弘道制治深關盛衰故伊望膺殊命之錫桓

文饗備物之禮况宏徵不世領邈百代者宜極  
 名器之隆以光大國之盛而領軍謙虛自衷誠  
 旨屢顯朕重逆仲父乃所以愈彰德美也鎮軍  
 可進位侍中車騎將軍都督中外諸軍事使持  
 節徐青二州刺史如故顯祚大邦啓茲疆宇

封豫章郡公加號詔

義熙二年十月論匡復功封唱義謀主鎮

軍將軍劉裕為豫章郡公天子重申前令加侍中進號車騎將軍固讓三年二

月天子遣兼太常葛籍授公策

有扈滔天夷羿乘釁亂節于紀實撓皇極賊臣

桓玄怙寵肆逆，乃摧傾華霍，倒拔嵩岱，五嶽旣夷，六地易所。公命世英縱，藏器待時，因心資敬，誓雪國恥，慨憤陵夷，誠發宵寐，旣而歲月屢遷，神器已遠，忠孝幽寄，實貫三靈，爾乃介石勝機，宣契畢舉，訴蒼天以爲正，揮義旅而一驅，奔鋒數百，勢烈激電，百萬不能抗限，制路日直，植城遂使衝鯨潰流，暴鱗奔漢，廟勝遠加重氛，載滌二儀，廓清三光，返照事遂永代，功高開闢，理微稱，謂義感朕心，若夫道爲身濟，猶縻厥爵，况乃

誠德俱深，勲貫天人者乎。是用建茲邦國，永祚山河。言念載懷，匪云足報。往欽哉，俾屏余一人。長弼皇晉，流風垂祚，暉烈無窮。其降承嘉策，對敷朕命。

封劉裕爲宋公詔

義熙十二年十月

夫嵩岱配極，則乾道增輝。藩岳作屏，則帝王成務。是以夏殷資昆彭之伯，有周倚齊晉之輔。鑒諸前典，儀刑萬代。翼治扶危，靡不繇此。太尉公命世天縱，齊聖廣淵。明燭四方，道光宇宙。爰自

闕二  
字 初迪則投懃王國妖蝥孔熾則功存社稷

固以四維是荷萬邦攸賴者矣暨桓立僭逆傾  
蕩四海公深秉大節靈武霆震弘濟朕躬再造  
王室每惟勲德銘於厥心遂北清海岱南夷百  
越荆雍稽服庸岷順軌剋黜方難式遏寇虐及  
阿衡王猷班序內外仰興絕風俯嗣逸業秉禮  
以整俗遵王以垂訓聲教遠被無思不治爰暨  
木居海處之首被髮雕題之長莫不忘其陋險  
九譯來庭此蓋播諸徽策靡究其詳者也曩者

永嘉不綱、諸夏幅裂、終古帝居、淪胥戎虜、永言  
園陵、率土同慕、公明發遐慨、撫機電、征親董、侯  
伯稜威、致討旗、旒首塗、則八表響震、偏師先路、  
則多壘雲徹、舊都載清、五陵復禮、百城屈膝、干  
落影從、自篇籍所載、生民以來、勲德懋功、未有  
若此之盛者也、昔周呂佐、叡聖之主、因三分之  
形、把旌仗鉞、一時指麾、皆大啓壇宇、跨州兼國、  
其在桓文、方茲尤儉、然亦顯被寵章、光錫殊品、  
况乃獨絕百代、顧邈前烈者哉、朕每弘鑒古訓、

思遵令圖、以公深秉冲挹、用闕大禮、天人引領、  
於茲六載、况今禹迹齊軌、九隩同文、司勲抗策、  
普天增伋、遂公高挹、大愆國章、三靈眷屬、朕實  
祇懼、便宜顯達羣望、允崇盛典、其進位相國、總  
百揆、揚州牧、封十郡、爲宋公、備九錫之禮、加璽  
綬、遠遊寇位、在諸侯王上、加相國、綠綬、綬

宋公九錫策文

朕以寡昧、仰纘洪基、夷羿乘豐、蕩覆王室、越在  
南鄙、遷於九江、宗祀絕饗、人神無位、提挈羣凶、



寄命江澣，則我祖宗之業奄墮於地七百之祚，  
翦焉旣傾，若陟淵海，罔知攸濟。天未絕晉，誕育  
英輔，振厥弛維，再造區寓，興亡繼絕，俾昏作明，  
元勲至德，朕實賴焉。今將授公典策，其敬聽朕  
命。乃者桓立肆僭，滔天泯夏，拔本塞源，傾倒六  
位，庶僚俛首，四方莫卹。公精貫朝日，氣凌霄漢，  
奮其靈武，大殲羣慝，剋復皇邑，奉帝歆神。此公  
之節，始於勤王者也。授律羣后，泝流長驚，薄伐  
崢嶸，獻捷南郢。大憝折首，羣逆畢夷。三光旋采，

舊物反正。此又公之功也。出藩入輔。弘茲保弼。阜財利用。繁殖生民。編戶歲滋。壇宇日啓。導德明刑。四境有截。此又公之功也。鮮卑負衆。僭盜三齊。狼噬冀青。虔劉沂岱。介恃遐阻。仍爲邊毒。公蒐乘秣。駟象入遠。壇衝櫓。四臨萬雉。俱潰竊號之虜。顯戮司寇。拓土三千。申威龍漠。此又公之功也。盧循妖凶。伺隙五嶺。乘虛肆逆。侵覆江。豫於拂寰內。矢及王城。朝野喪沮。莫有固志。家獻徙卜之計。國議遷都之規。公乘轅南濟。義形

於色。嶷然內湛。視險若夷。攄略運奇。英謨不世。  
狡寇窮勦。喪旗宵遁。俾我畿甸。拯於將墜。此又  
公之功也。追奔逐北。揚旌江濱。偏旅浮海。指日  
遙至。番禺之功。俘級萬數。左里之捷。魚潰鳥散。  
元凶遠送。傳首萬里。海南肅清。荒服來款。此又  
公之功也。劉毅叛渙。負豐西夏。陵上罔主。志肆  
紆暴。附麗協黨。扇蕩王畿。公御軌以刑。消之不  
日。蒼兕電泝。神兵風掃。罪人斯得。荆衡清晏。此  
又公之功也。譙縱怙亂。寇竊一隅。王化阻閔。三

巴淪溺、公指命偏師、授以良圖、凌波浮湍、致屈  
井絡、僭豎伏鑕、梁岷革偃、此又公之功也、馬休  
魯宗阻兵內侮、驅率二方、連旗稱亂、公投袂星  
言、研其上略、江津之師、勢踰風電、迥旆沔川、寔  
繁震懾、二叛奔迸、荆雍來蘇、立澤浸育、溫風潛  
被、此又公之功也、永嘉不競、四夷擅華、五都幅  
裂、山陵幽辱、祖宗懷沒世之憤、遺氓有匪風之  
思、公遠齊伊宰、納隍之仁、近同小白、滅亡之恥、  
鞠旅陳師、赫然大號、分命羣帥、北徇司寇、許鄭

風靡輦洛載清，僞牧逆藩，交臂請罪，百年榛穢，  
一朝掃濟，此又公之功也。公有康宇內之勲，重  
之以明德，爰初發迹，則竒謨冠古，電擊彊妖，則  
鋒無前對，聿寔東畿，大造黔首，若乃草昧經綸，  
化融於歲計，扶危靜亂，道固於苞桑，辯方正位，  
納之軌度，蠲削煩苛，較若晝一，溘風美化，盈塞  
宇宙，是以絕域獻琛，遐夷納貢，王略所宣，九服  
率從，雖文命之東漸，西被，咎繇之邁於種德，何  
以尚茲。朕聞先王之宰世也，庸勲尊賢，建侯胙

土褒以寵章，崇其徽物，所以協輔皇家，永隆藩  
屏。故曲阜光啟，遂荒徐宅，營丘表海，四履有聞。  
其在襄王，亦賴匡霸。又命晉文，備物光錫。惟公  
道冠前烈，勲高振古，而殊典未加，朕甚惜焉。今  
進授相國，以徐州之彭城、沛、蘭陵、下邳、淮陽、山  
陽、廣陵、兗州之高平、魯、泰山十郡封公爲宋公。  
錫茲玄土，苴以白茅，爰定爾居，用建冢社。昔晉  
鄭啟藩，入作卿士。周邵保傅，出總二南。內外之  
重，公實兼之。命使持節太尉、尚書左僕射、晉、宣

縣五等男湛授相國印綬宋公璽紱使持節兼  
司空散騎常侍尚書陽遂鄉侯泰授宋公茅土  
金虎符第一至第十左竹使符第一至第十左  
相國位無不摠禮絕朝班居常之名宜與事革  
其相國摠百揆去錄尚書之號土送所假節侍  
中中外都督太傅太尉印綬豫章公印策進揚  
州牧領征西將軍司豫北徐雍四州刺史如故  
公紀綱禮度萬國是式乘介蹈方罔有遷志是  
以錫公大輅戎輅各一立牡二駟公抑末敦本

務農重積，采蘩寔殷，稼穡惟阜，是用錫公衮冕  
之服，赤鳥副焉，公閒邪納正，移風改俗，陶鈞品  
物如樂之和，是用錫公軒懸之樂，六佾之舞，公  
宣美王化，導揚休風，華夷企踵，遠人胥萃，是用  
錫公朱戶以居，公官方任能，網羅幽滯，九臯辭  
野髦士盈朝，是用錫公納陛以登，公當軸處中，  
率下以義，式遏寇讐，清除苛慝，是用錫公虎賁  
之士三百人，公明罰恤刑，庶獄詳允，放命于紀，  
罔有攸縱，是用錫公鈇鉞各一，公龍驤鳳矯，咫



尺八紘，括囊四海，折衝無外，是用錫公彤弓一，  
 彤矢百，盧弓十，盧矢千，公溫恭孝思，致虔禋祀，  
 忠肅之志，儀刑萬方，是用錫公秬鬯一卣，珪瓚  
 副焉，宋國置丞相以下，一遵舊儀，欽哉其祇服  
 往命，茂對天休，簡恤庶邦，敬敷顯德，以終我高  
 祖之嘉命。  
南史：霄漢作虹蜺，奉帝歆神作奉歆。  
 神祇生民作黎元，無狼噬冀青虔劉。  
 沂岱二句，毒作害，駟作馬，俱潰下，又無竊號之  
 虜二句，王城下無朝野喪沮二句，不日下無蒼  
 兕電沂二句，清晏作益晏。  
 來蘇下無立澤浸育二句。

進宋公爲宋王詔

朕聞先王之蒞天下也。上則大寶以尊德。下則  
建侯以褒功。是以成勲告就。文命有玄圭之錫。  
四海來王。姬旦饗龜蒙之封。夫翼聖宣績。輔德  
弘猷。禮窮元賞。寵章希世。况明保冲昧。獨運陶  
鈞者哉。朕以不德。遭家多難。雲雷作屯。夷羿竊  
命。失位京邑。遂播蠻荆。艱難卑約。制命凶醜。相  
國宋公。天縱睿聖。命世應期。誠貫三靈。大節宏  
發。拯朕躬於巢幕。迴靈命於已崩。固已道窮北  
面。暉格八表者矣。及外積全國之勲。內累戡黎

之伐、芟夷彊妖之始、蘊崇奸猾之源、顯仁藏用  
之道、六府孔修之績、莫不雲行雨施、能事畢舉、  
諒已方軌於三五、不容於典策者焉、自永嘉喪  
師、綿踰十紀、五都分崩、然正朔時暨、唯三秦懸  
隔、未之暫賓、至今羌虜襲亂、淫虐三世、資百二  
之易守、恃函谷之可關、廟筭韜略、不謀之日久  
矣、公命世撫運、闡曜威靈、內研諸侯之慮、外致  
上天之罰、故能倉兕甫訓、則許鄭風偃、鉦鉞未  
指、則漙洛霧披、俾舊闕元陽、復集萬國之軫、東

京父老重嗜司隸之章。俾朕負展高拱。而保大  
洪烈。是用遠鑒前典。延卽羣謀。敬授殊錫。光啟  
壇宇。乘馬之制。有陋舊章。徽稱之美。未窮上爵。  
豈足以顯報懋功。允塞民望。藩輔王畿。長轡六  
合者乎。寔以公每秉謙德。卑不可踰。難進之道。  
以寵爲戚。是故降損盛制。且有後命也。自茲迄  
今。洪敷彌邵。稜威九河。魏趙底服。迴轅嶠潼。連  
城冰泮。遂長驅灞澹。懸於龍門。逆虜姚泓。係頸  
就擒。百稔梗穢。滌於崇朝。祖宗遺憤。雪於一旦。

涉禹之迹。方行天下。至於海外。罔有不服。功固  
萬世。其宜惟永。豈金石雅頌所能讚揚。寔可以  
告於神明。勒銘嵩岱者已。朕又聞之。周道方遠。  
則鸞鷲鳴岐。二南播德。則麟騶呈瑞。自公大號。  
初發。爰暨告成。靈祥炳煥。不可勝紀。豈伊素雉。  
遠至嘉禾。近歸而已哉。朕每仰鑒玄應。俯察人  
謀。進惟道勲。退惟國典。豈得遂公冲挹。而久蘊  
盛策。便宜敬行大禮。允副幽顯之望。其進宋公  
爵爲王。以徐州之海陵。東安。北琅邪。北東莞。北

東海北譙北梁豫州之汝南北潁川北南頓凡  
十郡益宋國其相國揚州牧領征西將軍司豫  
北徐雍四州刺史如故

晉恭帝禪宋詔

恭帝元熙二年六月傅亮承高祖密旨諷帝禪位草

詔請書帝欣然操筆曰桓立之時重爲劉公所延今日之事本所甘心乃書赤紙爲詔

夫天造草昧樹之司牧所以陶鈞三極統天施  
化故大道之行選賢與能隆替無常期禪代非  
一族貫之百王繇來尚矣晉道陵遲仍世多故

爰暨元興，禍難旣積。至三光質位，寇履易所。安  
皇播越，宗祀墮泯。則我宣元之祚，永墮於地。顧  
瞻區域，翦焉已傾。相國宋王天縱聖德，靈武秀  
世。一匡頽運，再造區夏。故以興滅繼絕，舟航淪  
溺矣。若夫仰在璿璣，旁穆七政。薄伐不庭，開復  
壇宇。遂乃三俘僞主，開滌五都。雕顏卉服之鄉，  
龍荒朔漠之長。莫不迴首朝陽，沐浴玄澤。故四  
靈效瑞，川岳啟圖。嘉祥雜遝，休應炳著。玄象表  
革命之期，華裔注樂推之願。代德之符，著乎幽

顯瞻烏爰止，允集明哲。夫豈延康有歸，咸熙告謝而已哉。昔火德旣微，魏祖底績。黃運不競，三后肆勤。故天之厯數，寔有攸在。朕雖愚闇，昧於大道。永鑒廢興，爲日已久。念四代之高義，稽天人之至望，予其遜位別宮，歸禪於宋。一依唐虞漢魏故事。

禪策

咨爾宋王，夫立古權輿，悠哉邈矣。其詳靡得而聞，爰自書契，降逮三五，莫不以上聖君四海，止



戈定大業，然則帝王者，宰物之通器，君道者，天下之至公也。昔在上葉，深鑒茲道，是以天祿旣終，唐虞弗得傳其嗣，符命來格，舜禹不獲全其謙，所以經緯三才，澄斥彞化，作範振古，垂風萬葉，莫尚於茲。自是厥後，厯代彌邵，漢旣嗣德於放勛，魏亦方軌於重華，諒已協謀乎人鬼，而以百姓爲心者也。昔我祖宗，欽明辰居，其極而明晦代序，盈虧有期，翦商兆禍，非唯一世。曾是弗尅，矧伊在今。天之所廢，有自來矣。惟王體上聖

之姿苞上儀之德明齊日月道合四時乃者社稷傾覆王拯而存之中原蕪梗又濟而復之自負固不賓千紀放命肆逆滔天竊據萬里靡不潤之以風雨震之以雷霆九伐之道旣敷八法之化自理豈伊薄施於民濟斯黔庶固以義洽四海道威八荒者矣至於上天垂象四靈效徵圖讖之文旣明人神之望已改百工歌於朝庶民頌於野億兆抃踊傾仵惟新自非百姓樂推天命攸集豈伊在予所得獨專是用仰祇皇靈

俯順羣議敬禪神器授帝位於爾躬大祚告窮  
天祿永終於戲王其允執其中敬遵典訓副率  
土之嘉願恢洪業於無窮時膺休祐以荅三靈  
之眷望

禪宋璽書

蓋聞天生蒸民樹之以君帝皇寄世實公四海  
崇替係於勲德升降存乎其人故有國必亡十  
年著其數代謝無常聖哲握其符昔在上世三  
聖係軌疇咨四嶽以弘揖讓惟先王之有作永

垂範於無窮。及劉氏致禪，寔堯是法。有魏告終，亦憲茲典。我世祖所以撫歸運而順人事，乘利見而定天保者也。而道不常泰，戎夷亂華，喪我洛食，蹙國江表。仍邁否運，淪沒相因。逮於元興，遂傾宗祀。幸賴神武光天，大節宏發，匡復我社稷，重造我國家。惟王聖德，欽明則天，光大應期。誕載明保，王室內紓。國難外播，宏略誅大憝於漢陽。逋僭盜於沂渚，澄氛西岷。肅清南越，再清江湘。拓定樊沔，若乃永懷區宇，思一聲教。王師

首路。則伊洛澄流。稜威峭潼。則華嶽褰靄。僞酋  
銜璧。咸陽卽序。雖彝器所銘。詩書所詠。庸勲之  
盛。莫之與二也。遂偃武修文。誕敷德政。八統以  
馭萬民。九職以刑邦國。思兼三王。以施四事。故  
能信著幽顯。義感殊方。自厯世所賓。舟車所暨。  
靡不謳歌仁德。抃舞來庭。朕每敬惟道勲。永察  
符運。天之厯數。實在爾躬。是以五緯升度。屢示  
除舊之迹。三光協數。必昭布新之祥。圖讖禎瑞。  
皎然斯在。加以龍顏英特。天授殊姿。君人之表。

煥如日月、傳稱惟天爲大、惟堯則之、詩云有命  
自天、命此文王、夫或躍在淵者、終饗九五之位。  
勲格天地者、必膺大寶之業、昔土德告沴、傳胙  
於我有晉、今歷運改卜、永終於茲、亦以金德而  
傳於宋、仰四代之休義、鑒明昏之定期、詢於羣  
公、爰逮庶尹、咸曰休哉、罔違朕志、今遣使持節  
兼太保散騎常侍光祿大夫瞻兼太尉尚書宣  
範奉皇帝璽綬、受終之禮、一如唐虞漢魏故事、  
王其允答人神、君臨萬國、時應靈祉、酬於上天

之眷命。咨人前。春。朝。萬。國。邦。獻。靈。城。願。效。土。天。

神。奉。皇。帝。靈。舞。受。絲。之。甄。一。吹。萬。真。美。騰。效。事。

奉。太。尉。婚。禮。常。科。大。麻。大。夫。朝。養。太。保。尚。書。宣。

公。受。獻。舞。舞。舞。曰。村。詩。周。數。想。志。今。歡。對。絲。前。

對。飲。末。中。四。升。之。村。美。壘。開。骨。之。安。賜。時。飲。擊。

公。共。育。晉。今。秋。數。如。十。衣。絲。依。故。亦。以。金。器。而。

無。計。天。賦。亦。必。獻。大。寶。之。業。昔。士。獻。書。今。獻。報。

自。天。命。池。文。王。夫。女。甄。亦。開。昔。絲。繫。水。正。之。位。

夢。城。日。且。朝。舞。舞。天。為。大。舞。表。願。之。詩。云。存。命。

教

爲宋公修張良廟教

義熙十二年高祖北討軍次留城經張良

廟下令文

選傅亮撰

夫盛德不泯。義存祀典。微管之歎。撫事彌深。張  
子房道亞黃中。照隣殆庶。風雲立感。蔚爲帝師。  
夷項定漢。大拯橫流。固已叅軌伊望。冠德如仁。  
若乃神交圯上。道契商洛。顯默之際。窅然難究。  
淵流浩漾。莫測其端矣。塗次舊沛。伫駕留城。靈  
廟荒頓。遺像陳昧。撫跡懷人。永歎寔深。過大梁。



者○或○仁○想○於○夷○門○游○九○原○者○亦○流○連○於○隋○會○擬  
 之○若○人○亦○足○以○云○可○改○構○棟○宇○修○飾○丹○青○蘋○蘩  
 行○潦○以○時○致○薦○抒○懷○古○之○情○存○不○刊○之○烈○主○者  
 施○行文選在宋書作存立作言淵流浩瀆作  
 寔深作慨然永歎棟宇作棖楠

爲宋公修楚元王墓教

夫褒賢崇德千載彌光尊本敬始義隆自遠楚  
 元王積仁基德啓蕃斯境素風道業作範後昆  
 本支之祚實隆鄙宗遺芳餘烈奮乎百世而丘

封翳然墳塋莫翦感遠存往慨然永懷夫愛人  
懷樹甘棠且猶勿翦追甄墟墓信陵尚或不泯  
况瓜畎所興開源自本者乎可蠲復近墓五家  
長給灑掃便可施行

泯宋書  
作絕

### 修復前漢諸陵教

夫信陵之墳守衛無曠展季之壟樵蘇有刑彼  
匹夫懷道列國陪隸猶見禮異世取貴鄰邦漢  
高撥亂反正大造區宇道拯橫流功高百代盛  
德之烈義在不泯

謝之器舞時不列

高謝始列五大哉國字

四夫刻遂既國制

夫計刻文

妙更前美前刻姓

長命靈壽

及凡知

刻林其深且

桂

表

為宋公至洛陽謁五陵表

五陵晉文帝崇陽陵武帝峻陽

陵宣帝高原陵景帝峻平陵及惠帝陵也

臣裕言。近振旅河湄。揚旌西邁。將屆舊京。威懷  
司雍。河流遄疾。道阻且長。加以伊洛榛蕪。津塗  
久廢。伐木通徑。淹引時月。始以今日。十二日次  
故洛水浮橋。山川無改。城闕為墟。宮廟隳頓。鐘  
虞空列。觀宇之餘。鞠為禾黍。厘里蕭條。鷄犬罕  
音。感舊永懷。痛心在目。以其月十五日。奉謁五

陵墳塋幽淪百年荒翳。天衢開泰。情禮獲申。故老掩涕。三軍悽感。瞻拜之日。憤慨交集。行河南太守毛修之等既開剪荆棘繕修毀垣職司既備蕃衛如舊伏惟聖懷遠慕兼懃不勝下情謹遣傳詔殿中中郎臣某奉表以聞

爲宋公求加贈劉前軍表

臣聞崇賢旌善王化所先念功簡勞義深追遠故司勲秉策在勤必記德之休明沒而彌著故尚書左僕射前軍將軍臣劉穆之爰自布衣協

佐義始內竭謀猷。外勤庶政。密勿軍國。心力俱  
盡。及登庸朝右。尹司京畿。敷讚百揆。翼新大猷。  
項戎車遠役。居中作捍。撫宐之勲。實洽朝野。識  
量局致。棟幹之器也。方宣讚盛化。緝隆聖世。志  
績未究。遠邇悼心。皇恩褒述。班同三事。榮哀旣  
備。寵靈已泰。臣伏思尋自義熙草創。艱患未弭。  
外虞旣殷。內難亦薦。時屯世故。靡有宐歲。臣以  
寡劣。負荷國重。實賴穆之匡翼之勲。豈唯讜言  
嘉謀。溢於民聽。若乃忠規密謨。潛慮帷幕。造膝

詭辭莫見其際。事隔於皇朝。功隱於視聽者。不可勝紀。所以陳力一紀。遂克有成。出征入輔。幸不辱命。微夫人之左右。未有寧濟其事者矣。履謙居寡。守之彌固。每議及封爵。輒深自抑絕。所以勲高當年。而茅土弗及。撫事永念。胡寧可味。謂宜加贈正司。追甄土宇。俾忠貞之烈。不泯於身後。大賚所及。永秩於善人。臣契闊屯夷。旋觀終始。金蘭之分。義深情感。是以獻其乃懷。布之朝聽。所啟上合。請付外詳議。

竭書作端。大猷作化。寧作寄。既作兼。

王作厚荐作結、勝作稱、茅土作茅社、傷作念  
泰夷作泰、忠規遠畫、憺慮密謨、造膝詭詞、

爲劉毅軍敗自解表

遂令犬羊內侮、兵纏紫極、聖朝肝膽、社稷幾殆、  
稽之典刑、罪不容宥、賴天祚有底、冢宰靈武、長  
虵翦毒、醜類宵遯、今畿甸告寔、四封有截、臣元  
釁大責、旣積朝野、桑榆之效、又無與立、而聖恩  
含宥、弛其微墨、偏私之譏、旣彰、民聽况可重荷  
岳牧之任、復當推轂之重、

讓尚書僕射表



自皇基肇創、豫班策勲、織善微績、未聞朝野、百  
揆治樞、揔貳殷要、誠非庸臣、所宜叨擬、臣聞權  
衡既懸、錙銖靡遁、厲駑習驥、終莫之近、敗駕傷  
錦、備之前誥、必將上增國垢、下招私黷、

奏

尚書八座封諸皇弟皇子奏

臣聞懿親廣樹。聖王所先。明德竝建。古之休典。所以維城。皇代盤石。帝基內衛。畿服外綏。四海者也。第某皇弟皇子等。神姿穎哲。大成俱茂。地均魯衛。德兼庸賢。顯進徽號。啓建疆宇。弘道作屏。光翰邦家。竝可封郡王。

報長傳秩宗並同桂嶽王

以魯論燕兼肅賢賜慈嫺慈母慈靈宇以敬非

音出。豫某皇弟皇子善輸受。願晉大如。恩貴。此

瓶以。錄。如。皇。升。盤。不。帝。基。丙。論。幾。耶。於。送。四。齊

引。開。禮。賅。惠。樹。聖。王。瓶。夫。則。齋。並。寒。古。之。水。典

尚書八。巫。桂。蕭。皇。弟。皇。子。奏

奏

碑銘

司徒劉穆之碑

公諱穆之，字道和，彭城人也。公膺陶鈞之秀範，該生民之上操。三變肇於弱容，九德充於初迪。文明在中，柔順暢於事業。敬以直內，義讓洽於州黨。時元凶竄遁，擁據荆沔。乘輿播幸，越蹈九江。公率先羣后，電發川湄。獎懷本之衆，勵思奮之士。桓謙籍累葉之資，徐覆忸驟勝之鋒。習亂之徒，若蝟毛而起。內懷根本之虞，外通首尾之

勢公靈武獨運奇謨內湛鞠旅陳衆視險若夷  
飛雲西泝則水截鯨鯢乘轅東指則陸殪長蛇  
廻累碁之危成維山之固豐功茂勲大造於王  
室滄風懿化永結於荆南銘曰二儀發揮川嶽  
協靈外恢溫雅內鏡文明懷仁履順蘊義居貞  
煌煌袞衣禮亦隆止翼翼素心亮終如始夷情  
升降一色愠喜訓儉於物復禮克已

侍中王公碑

體亞黃中道及微管元勲盛德光于晉載于時

運距无妄、陵夷有漸、至于兵纏象魏、壘結四郊、  
公以民望、晉朝居疑間之際、懷方履順、處艱以  
貞、顛沛不能迴其操、彊禦無以蕩其守、鑠矣公  
侯、乘和挺生、識深冬潭、文艷春榮、爰初素履、好  
是冲默、亦既端委、振風育德、

故安成太守傅府君銘

爰自漢季、以及晉朝、高名遠德、係軌於時、貞風  
亮節、流聲累葉、君承世德之芳、流蕩二象之淑、  
靈含韋蘊、粹佩蘭藉、蕙韋帶飯、蔬朝不及、夕不

以棲遲改其閒，不以隱約迴其操。楊生所爲久  
幽而不改，隋和之德者。其斯之謂歟。棲心古烈，  
擬踵前修。淹流孔老，宛然內求。于言中倫，庸行  
歸周。神之聽之，匪明匪幽。

論

演慎論

亮初見世路屯險  
著論名曰演慎

大道有言。慎終如始。則無敗事矣。易曰。括囊无咎。慎不害也。又曰。藉之用茅。何咎之有。慎之至也。文王小心。大雅詠其多福。仲由好勇。馮河貽其苦箴。虞書著慎身之譽。周廟銘陞坐之側。因斯以談。所以保身全德。其莫尚於慎乎。夫四道好謙。三材忌滿。祥萃虛室。鬼瞰高屋。豐室有蔀。家之灾。鼎食無百年之貴。然而狗欲厚生者。忽



而不戒。知進忘退者。曾莫之懲。前車已摧。後鑿  
不息。乘危以庶安。行險而徼倖。於是有顛墜覆  
亾之禍。殘生天命之釁。其故何哉。流溺忘反。而  
以身輕於物也。故昔之君子。同名爵於香餌。故  
傾危不及。思憂患而豫防。則針石無用。洪流壅  
於涓涓。合拱挫於纖孽。介焉是式。色斯而舉。悟  
高鳥之風逝。鑑醴酒而投紱。夫豈傲著而後謀。  
通患結而後思。復云爾而已哉。故詩曰。慎爾侯  
度。用戒不虞。言防萌矣。夫單以營內喪表。張以

治外失中。齊秦有守一之敗。偏恃無兼濟之功。  
水炭滌於胷心。巖墻絕於四體。夫然故形神偕  
全。表裏壹一。營魄內澄。百骸外固。邪氣不能襲。  
憂患不能及。然可以語至而言極矣。夫以嵇子  
之抗心希古。絕羈獨放。五難之根既拔。立生之  
道無累。人患殆乎盡矣。徒以忽防於鍾呂。肆言  
於禹湯。禍機發於豪端。逸翮鍛於衆舉。觀夫貽  
書良友。則匹厚味於甘醪。闕八  
其憂患也。若無轡而乘奔。其慎禍也。猶履冰而

臨谷。或振褐高棲。揭竿獨往。或保約違豐。安於  
卑位。故漆園外楚。忌在龜犧。商洛遐遯。畏此駟  
馬。平仲辭邑。殷鑒於崔慶。張臨挹滿。灼戒乎桑  
霍。若君子覽茲二塗。則賢鄙之分。旣明。全喪之  
實。又顯。非知之難。慎之惟艱。慎也者。言行之樞  
管乎。夫據圖揮刃。愚夫弗爲。臨淵登峭。莫不惴  
慄。何則。害交故慮篤。患切而懼深。故詩曰。不敢  
暴虎。不敢馮河。慎微之謂也。故庖子涉族。怵然  
爲戒。差之一毫。弊猶如此。况乎觸害犯機。自投

死○地○禍○福○之○具○內○克○外○斥○陵○九○折○於○邛○夔○泛○衝○  
波○於○呂○梁○傾○側○成○於○俄○頃○性○命○哀○而○莫○救○嗚○呼○  
嗚○呼○故○語○有○之○曰○誠○能○慎○之○福○之○根○也○曰○是○何○  
傷○禍○之○門○爾○言○慎○而○已○矣○

謝文門爾言與而曰矣。

謝文門爾言與而曰矣。

謝文門爾言與而曰矣。

謝文門爾言與而曰矣。

書

與沈林子書

高祖踐阼封林子漢壽縣伯食邑六百戶固辭不許亮與林子書

班爵疇勲。歷代常典。封賞之發。簡自帝心。主上委寄之懷。實參休否。誠心所期。同國榮戚。政復是卿諸人共弘建內外耳。足下雖存挹退。豈得獨為君子耶。

與謝晦書

晦初與亮徐羨之等廢少帝為營陽王。尋弒之。而迎立太祖。及出為荊州刺史。

上欲誅羨之等，并討暉，聲言北伐，拜京陵，治裝舟艦，亮與暉書，又言朝士多諫，北伐，上當遣外監萬勿宗往相諮訪，暉以示諮議參軍何承天曰：計勿宗一二日必至，傅公慮我好事，故先遣此書，使承天豫為荅詔啓草，伐虜宜須明年，尋起兵東下，內收耳，又下詔，戰敗伏誅。

薄伐河朔，事猶未已，朝野之慮，憂懼者多。

與蔡廓書

廓博涉羣書，言行以禮，補御史中丞，多所糾奏，時亮為中書令，學寇當時，朝廷儀典，皆取定于亮，每諮廓，然後施行，時疑揚州刺史廬陵王義真朝堂班次，亮

與廓書

廓荅

揚州自應著刺史服耳。然謂坐起班次。應在朝堂諸官上。不應依官次坐下。足下試更尋之。詩序云。王姬下嫁於諸侯。衣服禮秩。不係其夫。下王后一等。推王姬下王后一等。則王子居然在王公之上。陸士衡起居注。式乾殿集諸皇子。悉在三司上。今鈔疏如別。又海西卽位赦文。太宰武陵王第一。撫軍將軍會稽王第二。大司馬第三。大司馬位旣最高。又都督中外。而次在二王之下。豈非下皇子耶。此文今具在也。永和。中。蔡



公爲司徒司馬簡文爲撫軍開府對錄朝政蔡  
 爲正司不應反在儀同之下而於時位次相王  
 在前蔡公次之耳諸例甚多不能復具疏揚州  
 反乃居卿君之下恐此失禮宜改之耶

蔡廓荅  
 傅亮書

揚州位居卿君之下常亦惟疑然朝廷  
 以位相次不以本封復無明文云皇子  
 加殊禮齊獻王爲驃騎孫秀來降武帝  
 欲優異之以秀爲驃騎轉齊王爲鎮軍  
 在驃騎上若如足下言皇子使在公右  
 則齊王本次自尊何改鎮軍令在驃騎  
 上明知故以見位爲次也又齊王爲司  
 空賈充爲太尉俱錄尚書署事常在充

持節都督下。  
足下復思之。

漢書  
卷之  
第  
十  
一

讚

文殊師利菩薩讚

在昔龍種。今也童真。業化游方。罔識厥津。高會維那。研微盡神。發揮幽蹟。導達天人。

彌勒菩薩讚

時無並后。道不二司。龍潛兜率。按轡候時。翳翳長夜。懷而慕思。思樂朗旦。屬想靈期。

大舜對而慕思思樂損且國感靈機

却無並司豈不二何辭猶與率辨響別却綴綴

厭憐善藪詩

琳瑯那姍盡輒發軒幽朝華數天人

古昔請蘇今也董其業少游衣罔熯颯戰高合

文叔明林善藪詩

齋

詩

詩品曰季友文余常忽而不察今沈特進撰詩載其數首亦復平美

從武帝平閩中

鞠旅揚城、大蒐徐方、旆旌首路、元戎啟行、弭一作

擊楫、洪河、總轡崇岡、

從征

息徒西楚、伫楫舊鄉、止猶嶽立、動則雲翔、烈烈羣師、星言辟行、泛舟掩河、秣馬登芒、

奉迎大駕道路賦詩

夙擢發皇邑、有人祖我舟、餞離不以幣、贈言重  
琳球、知止道攸貴、懷祿義所尤、四牡倦長路、君  
轡可以收、張邴結晨軌、疎董頓夕輶、東隅誠已  
謝、西景逝不留、性命安可圖、懷此作前修、敷衽  
銘篤誨、引帶佩嘉謀、逃寵非予志、厚德良未酬、  
撫躬愧疲朽、三省慙爵浮、重明照蓬艾、萬品同  
率繇、忠誥豈假知、式微發直謳、

冬至

星昂殷仲冬、短晷窮南陸、柔荔迎時萋、芳芸應

節馥闕

厚化錄集

卷全

詩

三



Blank page with vertical lines for text columns.

本傳

傅亮字季友北地靈州人晉司隸校尉咸之玄孫也父瑗以學業知名位至安成太守瑗與郗超善超常造瑗見二子迪及亮亮年四五歲超令人解衣使持去初無愀色超謂瑗曰卿小兒才名位宦當遠踰於兄然保家終在大者迪字長猷宋初終五兵尚書贈太常亮博涉經史尤善文辭義熙中累遷中書黃門侍郎直西省宋武帝以其久直之勤勞欲以爲東陽郡先以語

傳六神傳 卷全  
迪大喜告亮，亮不荅，卽馳見武帝，陳不樂出，帝笑曰：「謂卿須祿耳，能如此甚，協所望也。」以爲太尉從事中郎，掌記室。宋國初建，除侍中，領世子中庶子，加中書令，從還壽陽。武帝有受禪意，而難於發言，乃集朝臣宴飲，從容曰：「桓立暴篡，鼎命已移，我首唱大義，興復王室，今年時衰暮，欲歸老京師，羣臣唯盛稱功德，莫曉此意。」亮悟旨，日晚宮門已閉，叩扉請見，曰：「臣暫宜還都。」帝知意，無復他言，直云：「須幾人自送。」亮曰：「須數十人。」

於是奉辭及出，夜見長星竟天，拊髀曰：我常不信天文，今始驗矣。亮至都，卽徵帝入輔。永初元年，加太子詹事，封建城縣公，入直中書省，專典詔命。以亮任總國權，聽於省，見客神獸門外，每旦車常數百兩。武帝登庸之始，文筆皆是叅軍滕演。北征廣固，悉委長史王誕。自此之後，至於受命表策文誥，皆亮辭也。演字彥將，南陽西鄂人。位至秘書監。二年，加亮尚書僕射。及帝不豫，與徐羨之、謝晦竝受顧命，給班劍二十人。少帝

卽位進中書監尚書令領護軍將軍少帝廢亮奉迎文帝立行臺於江陵城南題曰大司馬門率行臺百僚詣門拜表威儀甚盛文帝將下引見亮哭泣哀動左右旣而問義真及少帝薨廢本末悲號嗚咽侍側者莫能仰視亮流汗霑背不能荅於是布腹心於到彥之王華等及至都徐羨之問帝可方誰亮曰晉文景以上人羨之曰必能明我赤心亮曰不然及文帝卽位加左光祿大夫開府儀同三司司空府文武卽爲左

光祿府進爵始興郡公。固讓進封。元嘉二年。帝將誅亮。先呼入見。省內密有報之者。亮辭以嫂病。暫還。遣信報徐羨之。因乘車出郭門。騎馬奔兄迪墓。屯騎校尉郭泓收之。初至廣莫門。上亦使以詔謂曰。以公江陵之誠。當使諸子無恙。亮讀詔訖曰。亮受先帝布衣之眷。遂蒙顧託。黜昏立明。社稷之計。欲加之罪。其無辭乎。於是伏誅。妻子流建安。亮之方貴。兄迪每深誠焉。而不能從。及見世路屯險。著論名曰演慎。及少帝失德。

亮憂懼作  
論賦詩贊  
以見意

內懷憂懼直宿禁中睹夜蛾赴燭作感物賦以  
寄意初奉大駕道路賦詩三首其一篇有悔懼  
之辭自知傾覆求退無繇又作辛有穆生董仲  
舒贊稱其見微之美云

宋傅光祿集終